

## PAŽNJA SKRINERIMA SLUHA:

Ako želite da Ministarstvo za zdravstvo i usluge starijim osobama države Mizuri (DHSS) nazove bebine roditelje da bi ih podsjetilo na termin, molimo faksirajte karticu sa terminom na faks DHSS-a broj 573-751-6185.

Ime i prezime vaše bebe

Datum rođenja

Ime i prezime majke/staratelja

Telefonski brojevi (2)

Bebin ljekar

Datum, vrijeme i mjesto testiranja

Telefonski broj mjesta testiranja

Dodatne informacije dostupne su na:

<http://www.dhss.mo.gov/NewbornHearing>

<http://www.cdc.gov/ncbddd/ehdi/>

<http://www.infanthearing.org/>

Ova publikacija može da se nabavi u drugačijim formatima kao što su pismo Braille, velika slova i audio-trake ako se obratite sljedećem uredu:

MINISTARSTVO ZA ZDRAVSTVO I USLUGE STARIJIM OSOBAMA DRŽAVE MIZURI

Odjel za zajednicu i javno zdravstvo

PO Box 570

Jefferson City, MO 65102

800-877-6246

Mizuri relej 800-735-2466

<http://www.dhss.mo.gov/NewbornHearing>

Za informacije o drugim zdravstvenim uslugama za majke i djecu nazovite:  
800-TEL-LINK (800-835-5465)

POSLODAVAC JEDNAKIH MOGUĆNOSTI/AFIRMATIVNE AKCIJE

Usluge se pružaju bez diskriminacije.

**Vašoj bebi treba još  
jedan test sluha**



**Rano otkrivanje oštećenja sluha može  
da ima veliki značaj u jezičnom  
razvoju i životu vaše bebe!**

MINISTARSTVO ZA ZDRAVSTVO I USLUGE STARIJIM OSOBAMA  
DRŽAVE MIZURI

Neprolazak prvog testa može da bude znak da vaša beba ima oštećen sluh, pa je potreban još jedan test da bi se utvrdilo da li vaša beba može da čuje.

## Zašto je važno još jednom testirati sluh što je prije moguće?

- Što se oštećenje sluha prije otkrije, to bolje za vašu bebu.
- Ako vaša beba ima oštećen sluh, može se poduzeti mnogo toga kako bi joj se pružila podrška.
- Testiranje je jedini način da se sa sigurnošću utvrdi da li vaša beba ima oštećen sluh ili ne.

## Zašto moja beba nije prošla prvi test sluha?

- Vaša beba može da ima oštećen sluh.
- Možda u uhu ima tekućine.
- Možda je prostorija u kojoj se provodilo testiranje bila bučna.
- Možda se vaša beba puno micala.

3 na 1000 beba rađaju se sa oštećenim sluhom. Ako se oštećenje sluha rano otkrije, roditelji i profesionalci mogu da zajedno pomognu djetetu da razvije jezične i komunikacijske vještine.



## Šta treba da očekujemo za vrijeme posjete ljekaru?

- Test je siguran i bezbolan i može da bude detaljniji od prvog skrininga.
- Možda ćete bebu morati dovesti dok spava.
- Možda ćete bebu morati nahraniti kratko vrijeme prije testiranja.
- U slučaju da je potreban još jedan test, osoba koja vrši testiranje pomoći će vam zakazati termin za kontrolu.

Bebe počnu da razvijaju govor i jezik u prvih 6 mjeseci života. Ako se gubitak sluha rano otkrije, moguće je ponuditi mnogo stvari koje potpomažu razvoj govora i jezika.

## Da li je moguće da novorođenče prođe testiranje sluha iako ima oštećen sluh?

- Da, neke bebe čuju dovoljno dobro da prođu prvi test, ali kasnije dobiju oštećenje sluha zbog:
  - *Bolesti*
  - *Lijekova*
  - *Povreda*
  - *Drugih slučajeva kasnijeg oštećenja sluha u djetinjstvu u vašoj porodici*
- Obratite pažnju za znakove oštećenja sluha kako vaša beba raste.
- Ako imate pitanja o sluhu vaše bebe, porazgovarajte sa profesionalnim medicinskim osobljem koje se brine za vašu bebu.